



IKUGA FONO

FONO FAKAMUA
06 – 08 Novema 2017
NUKUNONU

FONO FAKAMUA

MATAKUPU	Pahina
1. <i>Fakatautoga Hui Fono Fakamua</i>	4
2. <i>Tonu a te Fono Fakamua ke huia te Tulafono 6(7) o te Tulafono Fakavae</i>	4 – 5
3. <i>Tonu a te Fono Fakamua ke huia te Tulafono a Tokelau mo Faigapalota 2014</i>	6 – 8
4. <i>Lipoti o na Galuega Fakaauau a te Malo Fakaauau</i>	8
5. <i>Na ata ma te tau ofoga mo te Polokalame Vaka ki Gauta</i>	8 – 9
6. <i>Lipoti o te Fautuaga ki te uaea tai mo Tokelau</i>	9 - 10
7. <i>Lipoti a te Ulu Fakatonu agai ki Faiga Faiva I te Hone, 1 Iuni – 30 Hetema 2017</i>	10 – 11
8. <i>Teugatupe Fakaleoleo a Tokelau</i>	11
9. <i>Fakafitauli ki na hapalai a te Falemai o Fakafo</i>	11 - 12
10. <i>Ulu Fakatonu Tumau</i>	12
11. <i>Konekalate mo te Hiakiga o na Faugafale Atiake Lalahi I Tokelau</i>	13
12. <i>Tauale hiki mai Fakafo ki fafo atu I loto o te Hikimi Hikiga Tauale a Tokelau</i>	13 -14
13. <i>Fauhaga o te Teletok</i>	14
14. <i>Meaalofa mai te WHO</i>	14
15. <i>Fakamanuiaga o na Hui Takitaki Fono</i>	15
16. <i>Puipuiga o te Malo o Tokelau ma ana tonu fai</i>	15 – 16
17. <i>Fakamanatuga o te 50 tauhaga o te Iunivehite o te Pahefika I Haute (USP)</i>	16 - 17
18. <i>Pahiaga o te Peleni a Tokelau mo te Pulepulega o na Fagotaga o te Hone 2018-2020</i>	17
19. <i>Ofiha Faigafaiva Tokelau ma te Gataifale (IFO's)</i>	17 - 18
20. <i>Haogalemu o na meakai: Fatoaga I Hamoa</i>	18 – 19
21. <i>Polihi o te Tamaokaiga ma te Peleni Galue 2017 – 2020</i>	19
22. <i>Fakamatalaga lata mai ki te fakaigoaga o te vaka Malaga fou</i>	19
23. <i>Tohoga o te vaka fou</i>	20
24. <i>Lipoti mai na talanoaga ma na Taupulega:</i>	20

	<i>Peleni Galue</i>	
25.	<i>Iloiloga o na Tau o na Pahehe & Uta</i>	20 – 21
26.	<i>Fale nonofo I Lelata</i>	21
27.	<i>Peleni mo te kaumaiga o te Kaufaigaluega Tautua mai Apia ki Tokelau</i>	22
28.	<i>Tulaga o te Hukehukega: Fakatauga o na Helikopa & Fenua I Matautu</i>	22
29.	<i>Kaufaigaluega-Ofiha o te Komehina o te Kaufaigaluega Tautua</i>	22 - 23
30.	<i>Toe Iloiloga o te Hikimi Hikolahipi</i>	23
PEPA FAKAOPPOPO		
PF.1	<i>Kupu a te Hui mai Niu Hila</i>	
PF.2	<i>Kupu a te Ulu o Tokelau mo te tatalaga o te Fono Fakamua</i>	
PF.3	<i>Kupu a te Ulu o Tokelau mo te tapuniga aloakia o te Fono Fakamua</i>	
PF.4	<i>Tuhituhiga o Tukutukuga mo Fehuiakiga (Instrument of Engagement) I te va o Niu Hila ma Tokelau agai ki Faiga Faiva I te Hone</i>	
PF.5	<i>Tupe maua mai Faiga Faiva 2016 & 2017</i>	
PF.6	<i>Ofiha mo te Gataifale</i>	
PF.7	<i>Peleni mo te Hikitiaga o na Tautuaga mai Apia ki Tokelau</i>	
PF.8	<i>Iloiloga o te Polihi o te Hikimi Hikolahipi a te Malo Tokelau</i>	

1. FAKATAUTOGA – HUI FONO FAKAMUA

Na **matau** e te mamalu o te Fono Fakamua, te fakatautoga o te Hui Fono Fakamua kia Kaio Isaako, ke hui ai te Hui Fono Fakamua kia Taupati Peleni.

2. TONU A TE FONO FAKAMUA KE HUIA TE TULAFONO 6(7) O TE TULAFONO FAKAVAE

Ko te mamalu o te Fono Fakamua na ia **mataugia** na vaega ienei:

- i. Amanakia te taua o na huiga ki te Tulafono Fakavae, ke fakalelei atili ai te pulepulega o te Malo o Tokelau, kae maihe te fakaauau pea o te nofo maina o na Taupulega ki na galuega a te Malo I te taimi e he nofoia ai te Fono Fakamua;
- ii. E taua lahi te vave maua e na Taupulega o na tonu a te Malo Fakaauau ke nofo maina ki na galuega fakaauau a te Malo ma ke he fakatekia ai ka tuku atu te Lipoti a te Malo Fakaauau ki te Fono Fakamua e veia ona fakatulafonogia;
- iii. E taua lahi ke iei he avanoa mo na Taupulega, ke fehili ai ki te Malo Fakaauau I ni vaega e fia maina atili ki ei I na tonu fai a te Malo Fakaauau, kae he faia ma auala ke feeke ai he huiga ki na tonu a te Malo Fakaauau;
- iv. E taua lahi foki ki te Malo Fakaauau, ke tautali mai ki na Taupulega, e tuha ai ki ni vaega e fia maina atili ki ei; ma
- v. E taua lahi ko na tonu a te Malo Fakaauau, e kave ki na Taupulega kua fakamaonia i te haini a te Takitakifono-Ulu o Tokelau. Ko tona uiga, ko na ikuga fono kua tahi ki ei te Malo Fakaauau.

Ko te Fono Fakamua kua:

- i. **lagolago** ki na fakatutuga tulafono ki te tulafono 6(7) o te Tulafono Fakavae ienei:

“Tulafono 6 o te Tulafono Fakavae a Tokelau kua huia i te palakalafa 7:

- (i) *I te toe fakanumela o te palakalafa tenei (i): ma i te fakaopoopo ki ei o na palakalafa ienei:*
- (ii) *Ko te Malo Fakaauau e tatau ke tuku atu na lipoti ki na Taupulega agai ki na galuega fakaauau, ke nofo maina ai ki latou ki te tulaga o na galuega fakaauau a te Fono Fakamua.*
- (iii) *Ko te Taupulega e tatau ke tuku atu o latou lagona tuhituhia agai ki ni vaega e fia maina atili ki ei, e tuha ai ko na matakupu i loto o te lipoti pe ko te Fono Fakamua, pe ko tefea lava te fono e nofoia muamua.*
- (iv) *Ko te Malo Fakaauau e tatau ke tautali atu ki he Taupulega, e tuha ai ko ni vaega e fia maina atili ki ei I na faigatonu a te Malo Fakaauau. “*

- ii. **malilie:**

- i. ke atafia na lagona o na uhufono I na huiga ki te Fakavae I te tulaga e fakahavali ai te galuega;
- ii. ke fakatino te galuega a te Komiti Tulafono I te tauhaga fou, ke kikila totoka ki te Fakavae ma na huiga e ono fai;
- iii. ko te galuega a te Komiti Tulafono e tuku atu ki te Fono Fakamua ke pahia I te tauhaga fou.

3. TONU A TE FONU FAKAMUA KE HUIA TE TULAFONO A TOKELAU MO FAIGAPALOTA 2014

Ko te mamalu o te Fono Fakamua na mataugia na vaega ienei:

(i) E taua lahi ke kikila totoka ki na huiga e tatau ke fai ke fakanofotonu na tulafono ma tona fakatinoga I na nuku;

Huiga fakatu ki te Tulafono 3: Ko ai te Taulia ke Palota

“Tulafono 3 o te Tulafono o Faigapalota a Tokelau 2014 kua huia-

(i) I te tuku ki ei o te tulafono 3 fou ma e venei i lalo:

(ii) “Ko he tino e taulia ke kavea ma tino palota i na faigapalota mo na Hui Fono o te Fono Fakamua kafai I te aho 31 o Tehema o te tauhaga i mua atu o te tauhaga e fai ai te faigapalota ko te tino tena:

(iii) ko he tino Tokelau ma kua nofo mai I te 18 tauhaga te matua, ma;

(a) kua nofomau i Tokelau mo he 6 mahina hohoko i te 12 mahina kua teka; pe

(e) kua nofomau i Tokelau mo he 12 mahina i mua atu o te 2 tauhaga kae na olokehe ma Tokelau ona ko na mafuaaga faka-te-ola malolo pe faka-te-kaiga; pe

(i) e faigaluega I te Kaufaigaluega Tautua a Tokelau (nuku/pe ko te atunuku).

(ii) he tino e heki kavea ma tino e nofo tumau i Tokelau ma he tino e heki maua hona hitiheni Niu Hila kae kua katoa te 18 tauhaga ma kua nofomau i Tokelau I te 2 tauhaga i mua atu o te faigapalota.”

Huiga fakatu ki te tulafono 4 o te Tulafono o Faigapalota 2014

12 Tulafono 4 o te Tulafono o Faigapalota a Tokelau 2014 kua huia-

“Tulafono 4 na vaega e tatau ke auhia e na uhufono Fakamua.

Ko he tino e tofia ke kavea ma Huifono o te Fono Fakamua e tatau lava-

- (i) na nofo i Tokelau I he piliota e nofo mai I te 2 tauhaga hohoko i mua atu o te faigapalota, pe, ko he tino Tokelau e faigaluega i te Kaufaigaluega Tautua a Tokelau, kua faigaluega mo he 2 tauhaga i mua atu o te faigapalota; ma*
- (ii) e iei tona tuhi malaga Niu Hila, ma*
- (iii) e nofo mai i te 35 tauhaga;*
- (iv) e heai ni fakamaumauga holigatulafono.”***

(ii) E matau koi lava te taimi e fakatino ai te galuega ma vena tona pahiaa ke mafai ai ke fakatino;

(iii) E mataugia ko na tulafono ni tulafono fou e taua ke taumafai ke fakatino I lo te tahuhihi ho, ke tauhihi ko ki te 5 tauhaga oi kua fai ai ni huiga pe ni teuteuga ki na tulafono;

(iv) Na mataugia ko heki aloakia katoatoa te fakatinoga ma e taua ai ke kikila totoka ki na tulafono, ki na vaega e tatau ke fakalelei atili ma fakamanino, ke mafai ai ke fakatino na tulafono.

Ko te Fono Fakamua kua:

i. malilie:

- i. ke fakatalanoa na fakatutuga huiga ki te Tulafono o Faigapalota ki na Nuku;

- ii. ke toe tuku mai na fakatutuga tulafono ki te Fono Fakamua I te tauhaga fou mo hana pahiaga; ma
- iii. ke lava te taimi e fakailoa ai te tulafono ki na nuku ma tagata, ke taunuku lava ki tona fakatinoga, ka ko heki pa ki te taimi o te tahi faigapalota a Tokelau i te 2020.

4. LIPOTI O NA GALUEGA FAKAAUAU A TE MALO FAKAAUAU

Ko te mamalu o te Fono Fakamua na:

i. matau:

- i. na galuega fakaauau a te Malo Fakaauau;
- ii. te fautuaga ke fakatalitonugia na galuega a te Malo Fakaauau.
- iii. te tautali a te Mataeke o te EDNRE, ko te tulaga o na meataulima e tapena te pepa ki na Taupulega mo ni o latou lagona, kae ko te matakupu ki te fenua tena ei te pepa fono.
- iv. te tatau ke kaumai ki na Taupulega te lipoti tupe e ve ona fakatonu ai e te Fono Fakamua, mo te tapenapenaga ki te Iloiloga o te tupe i te Fono Fakamua ka hohoko.

5. NA ATA MA TE TAU OFOGA MO TE POLOKALAME VAKA KI GAUTA

Ko te mamalu o te Fono Fakamua na:

i. matau:

- i. te aho fakatapula – 13 Novema - mo te hainiga o te konekalate ma teia kua malolo kiei ke fakataunuku te galuega, kafai ko te galuega e kamata ka teka na mahina o matagi ma afa e fakatalitali nei;

- ii. ko te fakatupega e fautuagia mo Niuhila - \$15.8m – ko heki pahia i te taimi nei, kae e tuliloa he tonu fai ka ko heki pa atu ki te aho 13 Novema;
- iii. te Mataeke o Faiga Faiva mo he fehoahoaniga ki te totogiga o te hao o Tokelau;
- iv. ke iei he ata manino pe fia moni te hao o Tokelau ki tenei polokalame;
- v. e mafai e Niu Hila ke fakakaitalafu te tupe tenei ke maua mai ni tupe I te tauhaga fou vena te Faigafaiva mo he latou fehoahoaniga mo ni vaega tupe ke togitogi ai te \$3m;
- vi. kua totoka te vaevaega o te Paketi 2017/2018, kae fakamoemoe ko na Tauhaga Tupe e 2 ka hohoko ka tautogitogi ai te \$3m;
- vii. fakafetai ki Niu Hila mo te fakatupega ki tenei Polokalame. kae ka tulituli atu e Tokelau tenei polokalame;

ii. malilie:

- i. ke iei he hao mo Tokelau e \$3m e veia ona fautua mai ai ia Niu Hila,
- ii. ki te Mataeke o te Tupe ke tapena mai he pepa I te Fono Tupe ka hohoko, ke tuku mai ai ni fautuaga pe ko fea te totogitogi mai ai te \$3m a Tokelau;
- iii. e he totogia te tupe a Tokelau i te tauhaga tupe tenei;
- iv. kua talia mai e te Minihita o te Va ki Fafu te \$15.8m mo te Polokalame Vaka ki Gauta I te afiafi nei, aho Gafua, 6 Novema 2017.

6. TE FAUTUAGA KI TE UAEA TAI MO TOKELAU

Ko te mamalu o te Fono Fakamua na:

i. matau:

- i. na penefiti ki Tokelau mai te fakaleleiga o te hokotaga tau ICT;

- ii. te filifiliga e fautuagia mo he uaea tai e hoko ki te Southern Cross Next ona ko te tau pito hili te maulalo I he taimi loa;
- iii. te aho fakagata ko Novema 17 mo te hainiga ma te Southern Cross Cables Ltd mo te uaea tai a Tokelau;
- iv. e fakatupe e Niuhila te NZ\$22.2;
- v. te fakafetai a Tokelau ki Niu Hila mo te latou fehoahoaniga;
- vi. e kamata tenei polokalame I te fakaikuga o te tauhaga nei, kae fakaaola I te kamataga o te 2019.

ii. malilie ki te fakatu a te pepa:

- i. ke faihao ia Tokelau i te \$7m;
- ii. ki te hainiga e manakomia I te aho 17 o Novema 2017;
- iii. fautuaga a Niu Hila ke kamata togitogi te hao o Tokelau I na tauhaga tupe I mua;
- iv. Mataeke o te Tupe ke tapena mai he pepa I te Tauhaga Tupe fou, ke tuku mai ai ni fautuaga pe vehea ona togitogi tenei vaega tupe.

7. LIPOTI A TE ULU FAKATONU AGAI KI FAIGA FAIVA I TE HONE, 1 IUNI – 30 HETEMA 2017

Ko te mamalu o te Fono Fakamua na:

i. matau:

- i. te pepa;
- ii. te taua ke fakaauau te polokalame mo na huiga ki te Faiga Faiva;
- iii. kafai e iei ni lagona pe ni manatu, ke fakailoa ki te Ofiha o te Ulu Fakatonu;
- iv. te fakafetai ki te Ulu Fakatonu ma na Minihita e tuha ai ma te fakatahi atu ki te fonotaga na fakatino I Samoa ki te Faiga Faiva;

- v. e fakatalanoa tenei matakupu I te taimi e talanoa ai te matakupu ki te Pulepulega o na Fagotaga o te Hone 2018 – 2020.

8. TEUGATUPE FAKALEOLEO A TOKELAU (TRUST FUND)

Ko te mamalu o te Fono Fakamua na:

i. matau:

- i. te pepa;
- ii. e iei na lipoti taki tauhaga e maua mai;
- iii. kua uma te fakailoa ki te Ulu Fakatonu ma hove ei na maua mai hana tautali I he taimi;

ii. malilie:

- i. ke tuku atu na lipoti fakatahi ai ma te paleni o tenei Teuga tupe ki na Taupulega mo he latou matauga;
- ii. ke tuku atu ki te Malo Fakaauau ma te Mataeke o te Tupe:
 - i. ke galulue fakatahi ma taki mai e latou te galuega ma fatu mai ni Taki/Polihiki ke tuku atu ke fakatalanoa e na Taupulega;
 - ii. ke tuku mai foki e latou he taimi ke tuku atu ai na lagona o na Taupulega.

9. FAKAFITAU LI KI NA HAPALAI A TE FALEMAI A FAKAOFO

Ko te mamalu o te Fono Fakamua na:

i. matau:

- i. te pepa;
- ii. kua uma te talanoa o na Kaufaigaluega a te Ola Malolo ki te fakatotokaga o te matakupu;
- iii. na popolega o te Taupulega, ki te fakataua o te ola o tatou tagata ma e taua ai ke fakamakeke te hokotaga

I te va o na Kaufaigaluega ma ke vena foki ona iei he fehoahoaniga mai na Taupulega, ke fakalelei atili ai na tautuaga a te Mataeke;

- iv. ko heki malaga atu lava te Kaufaigaluega o te Mataeke o te Ola Malolo ke fakatalanoa ni vaega e fia maina ai na Taupulega;
- v. e iei te Iloiloga na fakatino e te Kauhaga mai te WHO ma kua totoka te lipoti ma e talia nei te fakaliliuga ma na tutautahi lava te Kauhaga mai te WHO I te fakatinoga o tenei Iloiloga;
- vi. ki te Minihita & Mataeke ke kikila ki ni auala mo te agai ki mua o te tatou ola malolo o tatou tagata;
- vii. kafai ni vaega e vaivai ai he Mataeke/Nuku e tatau te Fono Fakamua ona kikila totoka ki ei.

ii. malilie:

- i. ke tuku vave mai te Lipoti o te Iloiloga na fakatino e te kauhaga a te WHO ki na Taupulega mo he latou matauga;
- ii. kafai e he tautali pe he fakamaliegia na Taupulega e tuha ai ma te Lipoti o te Iloiloga, e fautua ai la e tuha ai ma te fautuaga e takua I te pepa, ke fakatino he tahi Iloiloga.

10. ULU FAKATONU TUMAU

Ko te mamalu o te Fono Fakamua na **matau** na igoa na tuku mai e te Ulu Fakatonu - i. Ross Ardern, ii. Adrian Macey, iii. Annetee King, ma matau ko te fakaikuga e fai lava e Niu Hila e tuha ai ma te filifiliga o te Ulu Fakatonu.

11. KONEKALATE MO TE HIAKIGA O NA FAUGĀFALE ATIAKE LALAHĪ I TOKELAU

Ko te mamalu o te Fono Fakamua na:

i. matau:

- i. te pepa;
- ii. e iei na fanau kua iku mai I na aoga ma kua ia te ki latou te iloa ma te mafai e tuha ai ma tenei galuega;
- iii. ko na tonu a te Malo Fakaauau e fakatino e te Kaufaigaluega Tautua, kae e matau atu e he fakatinoa na tiute o te Kaufaigaluega Tautua;

ii. malilie:

- i. ke tuku atu ki te Ofiha o te Malo Fakaauau ke kikila mai e ia tenei tulaga ma tapena mai ni taki, ki na tiute o Fata Levi, fakatahi ai ma na tiute o na hui takitahi mai na nuku, kae ke laututuha uma ai te mainaga o Tokelau;
- ii. ki te Mataeke o te Tupe, ke hakili mai na tau o na fakafanoga tupe mo Fata Levi, e tuha ai ki tana fehoahoaniga ki na Taupulega;
- iii. ke katoatoa mai na fakamatalaga, oi kua fatu agai ai ki ei he tonu ma te Fono Fakamua ki na vaega tupe e toe totogi atu ki na Taupulega.

12. TAUALE HIKI MAI FAKAOFO KI FAFO ATU I LOTO O TE HIKIMI HIKIGA TAUALE A TOKELAU

Ko te mamalu o te Fono Fakamua na:

i. matau te pepa;

ii. malilie:

- i. ke fautuagia te Mataeke o te Ola Malolo ke fai fakalelei te fakatinoga o te Polokalame Hikiga Tauale ma, ke fakamautinoa e tutuha uma na tautuaga e kave ki tagata o Tokelau;

- ii. ke fautuagia te Fakatonu o te Ola Malolo, ke kikila totoka ki ni matauga e tuha ai ma na tautuaga a te Kaufaigaluega I Apia.

13. FAUHAGA O TE TELETOK

Ko te mamalu o te Fono Fakamua na:

- i. **matau:**
 - i. te pepa;
 - ii. e iei na tulafono e tuha ai ma te fakahavaliga o te Teletok;
 - iii. ke toe ahia te Teletok I he kikilaga ke fakamataeke;
- ii. **malilie:**
 - i. ke fakatalatalanoa haele tenei matakupu e na Taupulega, Komiti Fakafoe ma te Fono Fakamua, ona ko te Teletok e iei na tulafono e fakahavali ai I te taimi nei;
 - ii. ke tuku atu he avanoa ki te Komiti Fakafoe o te Teletok, ke tuku mai ni fautuaga mo te agai ki mua, I ni fakatu ki ni vaega e lelei ai ma ni vaega e he lelei ai kafai e Fakapihinihi pe Fakamataeke te Teletok;
 - iii. ke tuku mai te pepa tenei a te Komiti Fakafoe o te Teletok, oi kua fai ai ki ei he filifiliga ma Tokelau.

14. MEAALOFI MAI TE WHO MO TE AHO FAKAMANATU O TE LALOLAGI MO NA TUI PUIPUIA

Ko te mamalu o te Fono Fakamua na **matau** na kofu na fakameaalofa mai e te Fakalapopotoga a te Ola Malolo o te Lalolagi (WHO) mo te aho fakamanatu o na Tui Puipuia i te Lalolagi.

15. FAKAMANUIAGA (ALAUNI) O NA HUI TAKITAKI FONO

Ko te mamalu o te Fono Fakamua na:

- i. **matau:**
 - i. te pepa;
 - ii. ke hui na taki e iei nei, ke maua he fakamanuiaga mo te hui Takitaki Fono e tuha pe he takitakia e ia he fono;
- ii. **malilie:**
 - i. ke toe Iloilo na Taki e tuha ai ma te alauni o te Hui Takitaki Fono;
 - ii. ke tuku atu ki te Komehina Kaufaigaluega Tautua ma te Kaufaigaluega o te Tulafono ke tuku mai he la fautuaga e tuha ai ma na Taki o na alauni o na Hui Takitaki Fono;
 - iii. ke tuku mai te pepa tenei I te Fono Fakamua o te tauhaga fou mo he pahiaga.

16. PUIPUIGA O TE MALO O TOKELAU MA ANA TONU FAI

Ko te mamalu o te Fono Fakamua na:

- i. **matau:**
 - i. te pepa;
 - ii. ko te agaga na kaumai ai te pepa ke fai ma lehona ke akoako ai mo te agai ki mua;
 - iii. ko te Tofi Ulu e o Tokelau fakatahi;
 - iv. ona ni vaega nae fia malamalama ai te Taupulega, ko te mafuaga ia na fai ai ni talatalanoaga ma te Ulu;
 - v. te fakamaualalo a na hui uhu fono e tuha ai ma te matakupu kafai nae he logotonu;
 - vi. fakatotoka te vaka ma tauhi te filemu o Tokelau;
 - vii. ko te Malo Fakaauau te tautali atu I ni vaega e fia maina ai he Taupulega, kae he ko te Ulu;

- viii. i te pito o te Tulafono, ko te Tofi Ulu e he iei hona tofi e tu kehe pe he mafai fakapitoa mo ia, ko na mafai mo na tonu a Tokelau e gafa ma te Malo Fakaauau;
- ix. mo te agai ki mua, ke kikila ki na tiute o te Ulu o Tokelau pe ko tefea te tulaga e tatau ona iei ai te Ulu, pe kavekehe ma te Malo Fakaauau, kae tu tautahi;
- x. talanoa haele na vaega e takua I te ix & x ona na hula I ni talanoaga muamua.

17. FAKAMANATUGA O TE 50 TAUHAGA O TE IUNIVEHITE O TE PAHEFIKA I HAUTE (USP) 2018

Ko te mamalu o te Fono Fakamua na:

i. matau:

- i. te pepa;
- ii. e iei ni heleni e manakomia ma ka tuku atu ienei manakoga heleni ki te paketi a te Mataeke mo te Tauhaga Tupe 2017/2018.
- iii. te Minihita o Akoga ke fai ma ahiahi atu ki na Akoga;

ii. talia na fautuaga:

- i. ke filifili he Komiti Fakafoe a te atunuku ke tapenapena e ki latou mo te fakamanatuga o te 50 tauhaga o te Iunivehite. Ke kavea tenei Komiti Fakafoe ke peleni mai e ki latou te tulaga o na vaega e fakatino pe kafai e vefea e aulia atu tena tauhaga fou.
- ii. ke filifili mai ni Komiti a na fenua takitahi ke gafa ki latou ke peleni mo na vaega ka fakatutupu i loto o na fenua kafai e aulia te tauhaga fou. Ko tenei Komiti ka fili mai ai ni hui ki loto o te Komiti Fakafoe a te atunuku ke kikila fakatahi e ki latou tenei fakamoemoe.
- iii. ke filifili na Komiti o Akoakoga ke gafa ma na vaega ienei, ma, ke valakaulia ki latou i luga o na fenua, e

iei ni iloa ma ni mafai, ke fai hao ki na Komiti ke fakatotoka ai te tulaga o na peleni ienei.

18. PAHIAGA O TE PELENI A TOKELAU MO TE PULEPULEGA O NA FAGOTAGA O TE HONE 2018 – 2020

Ko te mamalu o te Fono Fakamua na:

- i. **matau:**
 - i. te pepa tenei ma tona mafuaga;
 - ii. fakamalulu a te Mataeke e tuha ai ma te he ahia o na Taupulega e tuha ai ma tenei matakupu;
 - iii. te he katoa o te Kaufaigaluega, kua mafua ai te tuai o te fakatalanoaga o tenei matakupu ma na Taupulega;
- ii. **talia** te pepa:
 - i. kae ke fakamautinoa te limatakitakia o na fakatinoga fakatatau ki na fagotaga i te kamataga o te tauhaga fagota i te aho 1 o Ianuali 2018 fakatahi ai ma ni huiga e manakomia mai na fakatalatalanoaga;
 - ii. ke fakatino na fakatalatalanoaga o te Peleni tenei ma na Nuku ma te Mataeke I he taimi pili mai;
 - iii. ke tuku mai te lipoti o na talatalanoaga ma na Nuku I te Fono Fakamua hohoko.
 - iv. ke fakatonu te Komehina Kaufaigaluega Tautua, ke iei hana kikilaga vave ki te fakatotokaga o te Konekalate a te Fakatonu o te Mataeke, fakatahi ai ma te fakatotokaga o tana Kaufaigaluega.

19. FAKANOFOTONUAGA O TE PULEPULEGA O NA OFIHA O NA FAGOTAGA O TE GATAIFALE (IFO's)

Ko te mamalu o te Fono Fakamua na:

- i. **matau:**
 - i. te pepa ma tona mafuaga;

- ii. e talia nei te tali a te Taupulega Atafu;
- ii. **Talia te pepa**, kae ke kamata fakatino ma fakagaoui na vaega e tatau ke fakatino ma fakagaoui mo te tukutonuga o na ofiha ienei ma na lihoi/fakatupega fakatatau ki te tōfiliga a te Taupulega;
- iii. **Malilie** na Taupulega Fakaofu & Nukunonu ke Galulue na Ofiha Faigafaiva o te Gataifale i te Mataeke o Faigafaiva mo he 2 tauhaga kae ke fakaaogā te mafai ma te iloa e iei. Ka māea tenā oi kua fakaheke loa ki na Nuku kafai e totoka mai na vaega i luga o fenua f.t. lelei te faiga o na fakamaumauga, totoka ma pahia te Peleni mo te Gataifale fakatahi ai ma na tulafono, kae e talia nei he tali ma te Taupulega Atafu.

20. HAOGALEMU O MEAKAI: FATOAGA I HAMOA

Ko te mamalu o te Fono Fakamua na:

i. matau:

- i. te agaga o te pepa;
- ii. ke iei he kikilaga ki na fenua o Tokelau I luga o Samoa fakatahi ai ma na fenua na foki mai e te Palemia o Samoa;
- iii. ke iei he kikilaga ki luga lava o Tokelau, ke toto te niu ma te ulu, ke puipei ma fakaaauau a tatou meakai aua a tatou fanau I te lumanaki;
- iv. i te auala o mea, na tatau lava te matakupu tenei ona fakatalanoa muamua ma na Taupulega;
- v. lahi na mau atiakega nae folahia mai ki na Taupulega f.t. keke kimoa mo te toga niu, te vao ma te fale fakamili,
- vi. te fautuaga i te pito o te Tulafono, e iei lava te malae e tuku mai ai na fautuaga e veia ona takua e te pito a te Tulafono;

- vii. ke kikila pe ko tefea te pito e tu ai te Tulafono vena ma te Mataeke;
- viii. ke iei he kikilaga ki na lakau kua tau he maua I luga o Tokelau;

ii. malilie:

- i. ki te Mataeke ke iei ni talatalanoaga ma na Taupulega ma ke lava na fakamatalaga e tuku mai, kae ke atili maina ai na Taupulega ki tenei matakupu.

21. POLIHI O TE TAMAOKAIGA MA TE PELENI GALUE 2017 – 2020

Ko te mamalu o te Fono Fakamua na:

- i. matau** te agaga o te pepa;
- ii. malilie** ke tamilo atu te Mataeke ke fakatalanoa te Polihi tenei ma na Taupulega mo he mainaga atili.

22. FAKAMATALAGA LATA MAI KI TE FAKAIGOAGA O TE VAKA MALAGA FOU

Ko te mamalu o te Fono Fakamua na:

- i. matau:**
 - i. te pepa;
 - ii. na igoa ke filifili mai ai he igoa mo te vaka fou: Kalopaga, MV Mataliki 2, Tautai & Te Taiuli;
 - iii. na igoa o na vaka nae eva ai o tatou tupuna, ke kikila ki ei I ni tauvaga I te lumanaki;
- ii. malilie** ke fakaigoa te vaka fou o Tokelau ki te Kalopaga.

23. TOHOGA O TE VAKA FOU

Ko te mamalu o te Fono Fakamua na **matau** te Lipoti o te vaka fou o Tokelau.

24. LIPOTI MAI NA TALANOAGA MA NA TAUPULEGA & PELENI GALUE

Ko te mamalu o te Fono Fakamua na:

- i. **Matau** te Lipoti o na talatalanoaga a te Mataeke ma na Taupulega.
- ii. **Talia** te Peleni Galue a te Mataeke.

25. ILOILOGA O NA TAU O PAHEHE MA NA UTA FEKAVEFAKI I LUGA O NA VAKA

Ko te mamalu o te Fono Fakamua na:

- i. **matau:**
 - i. te pepa;
 - ii. ki te Komiti o te Transtok ke kikila ki ni faiga ke mafai ai te vaka ke fakaaoga e na tahi fenua o te Pahefika, kae ke maua mai ai ni tupe;
 - iii. ke fakakehekehe na tau o na tino malaga (tino e kave e te Nuku/Malo ma he tino e fano i ni mafuaga fakatekaiga);
 - iv. te fakatu a te Taupulega a Nukunonu ki na tau fou o na pahehe mai Tokelau ki Apia toe liliu mai ki Tokelau e NZ\$160.
- ii. **malilie:**
 - i. ke toe tuku atu he avanoa ki na Taupulega a Fakaofu & Atafu mo ni o latou lagona e tuha ai ma te tau o na pahehe vaka;

- ii. ko te Fono Fakamua muamua o te tauhaga fou, ke tuku mai ai na lagona o na Taupulega kui mai I te Mataeke o Femalagaakiga.

26. FALE NONOFO I LELATA

Ko te mamalu o te Fono Fakamua na:

i. **matau:**

- i. na fakamatalaga I te pepa;
- ii. te lipoti o Lelata;
- iii. te fakatu mo na tau fou mo Lelata;
- iv. te fakatu keiei ma te aofaki o te Tupe Nonoa (Bond) mo ki latou e nonofo mataloa – 4 vaiaho agai ki luga.
- v. mo ki latou I Tokelau e fia fakaaoga na fale, ke fehokotaki na Ofiha Malaga I Tokelau, ke logo e latou te Mataeke;

ii. **talia** na tau fou e veia ona takua:

Tau fou

Fakamatalaga	Tupe	Tau		Tau e kehe mai ai
		Taimi e he mataloa (E he auhia te 4 vaiaho)	Taimi Mataloa (Ova I te 4 vaiaho)	
<ul style="list-style-type: none"> • 2 Potu moe • Potu malolo • Katoa na meafale • Tauhi ma fakamama e iei ai foki huiga o na kie hofa. • Leoleo po After <p>Aofaki o na tino e fakataga ke nonofo ai e 6</p>	NZ\$ - I te aho	\$120.00 (Tau ona potu ina Fale Talimalo I Samoa e \$80ST - \$280ST ite po) Na tau e nafa tino nonofo fale: <ul style="list-style-type: none"> • Paoa • Keehi, fagu muamua e fakamealofa, kae e toe fakatumu e te tino nofo fale 	\$100.00	Tupe Nonoa (Bond \$200 Long Term Tenants required) (E toe totogi te Tupe Nonoa a te tino, kafari e lelei te tulaga o te fale)

27. PELENI MO TE KAUMAIGA O TE KAUFALUEGA TAUTUA MAI APIA KI TOKELAU

Ko te mamalu o te Fono Fakamua na:

- i. **matau:**
 - i. te pepa;
 - ii. te he manino lelei o te matakupu ki te tulaga o te Pule Fakahoa na takua.
- ii. **talia** te pepa, kae ke fautua na Mataeke:
 - i. ke fakatalanoa vave ma te Komehina a latou Peleni;
 - ii. tuku vave mai na Peleni a na Mataeke ki na Taupulega, kae ke nofo maina ki ei na Taupulega mo a latou tapenapenaga.

28. TULAGA O TE HUKHEKHEGA: FAKATAUGA O NA HELIKOPA & TE FENUA I MATAUTU

Ko te mamalu o te Fono Fakamua na:

- i. **matau:**
 - i. ko te Lipoti o te Hukehukega kua I te Komihina;
 - ii. e iei na teuteuga e fai nei ki ei;
 - iii. e ono fai hana tonu I te aho Falaile 17 Novema, oi kua tuku atu ai hana fautuaga ki te Malo Fakaauau, oi kua tuku atu loa ki na Taupulega.

29. KAUFALUEGA - OFIHA O TE KOMEHINA O TE KAUFALUEGA TAUTUA

Ko te mamalu o te Fono Fakamua na:

- i. **matau:**
 - i. te pepa;
 - ii. e iei lava na auala e hakili ai na tino faigaluega fua ki te Tuhi Takala o na Tino Faigaluega;

- iii. ko heki haini ni Konekalate ma na kaufaigaluega e veia ona iei te matakupu ona ni galuega nae fia fakatino vave, ko te tulaga ia na fakagalue ai;
- iv. na fakatalanoa na vaega ienei ma te Malo Fakaauau;
- v. ke kikila totoka ki te matakupu tenei mo te agai ki mua.


ii. malilie:

- i. ko te Fono Fakamua ka hohoko, ke toe tuku mai ai na Taki (TOR) o te galuega a te Komehina ma ni fakamatalaga mo te teuteuga o tenei matakupu;
- ii. ke fakaaoga te Tuhi Taki a te Kaufaigaluega Tautua mo te hakiliga o na tino faigaluega;
- iii. ke fakaauau ma fakatalatalanoa haele tenei matakupu.

30. TOE ILOILOGA O TE HIKIMI HIKOLAHUPI

Ko te mamalu o te Fono Fakamua na **matau** ma **pahia** te Iloiloga o te Polihi o te Hikimi Hikolahipi a Tokelau, kae ke tuku mai he kopi o te tahi Polihi e veia ona takua e he hui, ki na Taupulega.

Fakamaonia e:




.....

Save Tumua

Takitaki Fono

Fono Fakamua



.....

Aho:

Hauatea – Fakaofu	Hauatea – Nukunonu	Hauatea – Atafu
Sio Moti Sio	Vasa Tavite	Olive Viliamu
Kasimilo Niko	Sagato Ugone	Panapa Liutu Gaulofa
	Apolone Setefano	
	Zak Patelesio	
Hui Fono mai Fakaofu	Hui Fono mai Nukunonu	Hui Fono mai Atafu
Aliki Faipule Afega Gaulofa	Aliki Faipule Siopili Perez	Aliki Faipule Kelisiano Kalolo
Aliki Puluenuku Mose Pelasio	Aliki Puluenuku Petelo (Peter) Patelesio	Aliki Puluenuku Fanolele Fao
Talasilua Pale Sosene	Salesio Lui	Iosua Aleni
Tinielu Tu'umuli	Lino Isaia	Tanu Filo
Alesana Teao	Falaniko Aloisio	Mika Kalolo
Kaio Isaako	Alapati (Peter) Tavite	Seluka Sirila
Malia Pue	Lepeka Amato-Perez	Latu Lopa
Hui mai Niu Hila	TPS Commissioner	Takitaki Fono
Maria Reynen-Clayton	Casimilo Perez	Save Tumua
Paul Seaden		Hui Takitaki Fono
		Tumua Pasilio
Kaufaigaluega Tautua		
Seiuli Aleta	Aleki Silao	Olita Simi
Mikaele Perez	Bosco Penehe	Sophie Saumani
Silivia Tavite	Feagai Penehe	Niu Koloi
Robin Pene	Tiso Fiaola	Asi Pasilio
Simona Mei	Lise Suveinakma	Ta'ase Sio
Iuliano Tinielu	Ake Puka-Mauga	Sefo Tuia
Aukusitino Vitale	Poasi Tuilotolava	Thibault LePivain (UNDP)